



Inatsisartunut ilaasortaq Storm Ludvigsen/ Maani

**Tuttunniarnermi umimmanniarnermilu akiliuteqartitsisalernissaq pillugu § 37 naapertorlugu apeqquteqaat 2011\_231-mut akissut**

Inatsisartut suleriaasianni § 37, imm. 1 naapertorlugu umimmanut tuttunullu piniarnermi sunngiffimmi piniarnermut allagartalinnut akiliuteqartitsisoqarsinnaanera Naalakkersuisunut apeqquteqaateqarsimavutit, kiisalu sunngiffimmi piniarnermut allagartallit qas-siunersut apeqquteqarlutit. Apeqqutigineqaat naalakkersuisoqarfinnut akineqartussanganorlugu ingerlatinneqarpoq.

09. dec 2011  
Sagsnr. 2011-058821  
Dok. Nr. 778958

Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apnn@nanoq.gl www.nanoq.gl

**3. Naalakkersuisut pinialuttartunut, umimmanut tuttunullu piniarnermut allagartap saniatigut akiliuteqartitsisalernissamik pilersaaruteqarnerlutik?**

Tuttunut umimmannullu piniarnermi immikkut maannakkorpiaq akiliuteqartitsisalernissamik pilersaaruteqartoqanngilaq, kisianni susassaqarfimmi tassani nalunaarutissatut missingersuutini nutaani taamatut akitsuusiisoqarsinnaanera periarfissiisoqarpoq. 2012-imut Aningaasanut inatsit aalajangersarneqarneranut atatillugu, aalajangerneqarpoq piniarnermut allagartat suliarineqarnerinut nassiussuunneqarnerinullu akiliut 50 kr.-usoq qaffanneqassasoq 200 kr.-mut akeqalersillugu, akiliuteqartitsinerullu annertussusaa allaffissornikkut aningaasartuutinut naatsorsorneqartunut naapertuuppoq.

**2. Saniatigooralugu pinialuttartunut tuttunik tallimanik pisassiineq assersuutigalugu 1000 kr.-nik akeqartinneqaleraluepat, tamanna qanoq kinguneqartussatut Naalakkersuisunit isigineqarpa?**

Umimmanut tuttunullu piniarnermut allagartap saniatigut akiliuteqartitsisoqartalissappat, tamanna allaffissornikkut aningaasartuutinik misissueqqissaarnernik pisariaqartitsis-saaq. Maannakkut aningaasartuutaasunut, tassani kommunit akuersissutinik nassiussuinermut atatillugu aningaasartuutit annertunersaat nammanneqarput. Akiliuteqartise-riaatsimullu allaffissornikkut ingerlanneqarneranut atatillugu aningaasartuutinut.

Misissueqqissaarnerit taakkua maannakkut suliarineqarsimanggillat, kisianni pissutsit maannakuugallartoq ilimanarsisippaat, siunnersuut naapertorlugu Nunatta karsianut isertitaasinnaasunut naleqqiullugu allaffissornikkut aningaasartuutit amerlanerusinnaasut.

Ilutigitillugu allaffissornikkut aqunneqarnera ajornakusuussaaq – sunngiffimmi pinial-luttartut siumoorlutik akiliisassappata, imaluunniit pineqartoq akiliuteqartitsissanersoq piniareernerup kingorna.

Naalakkersuisut siunnersuutip siunertarisaa paasilluarpaat: tassa piniartutut inuussutissarsiuteqarnerup tapersorsorneqarnissaa, kisiannili isumaqarpugut tamanna pitsaane-rusumik isumagineqarsinnaasoq piffissat piniarfiusut assigiinngisitaartut aamma – inuus-sutissarsiutigalugu kiisalu sunngiffimmi pinialuttartut akornanni pisassiisarnikkut, soorlu mannakkutut ingerlanneqartoq.

3. *Tassungalu atatillugu saniatigooralugu piniarluttartutut allagartallit nunatsinni qassiunerat paaserusunneqarpoq.*

Sunngiffimmi pinialuttartut amerlassusaannut kisitsit kingulleq 2011-meersuuvoq, 4.969-illu sunngiffimmi piniarnermut allagartamut akiliisimapput. Amerlassutsit aalaakkaakan-nerpoq, ataani skema naapertorlugu.

	2006	2007	2008	2009	2010	2011
Sunngiffimmi pinialluttartut amerlassusaat	5.685	5.807	5.110	5.258	5.548	4.969*
Inuussutissarsiutigalugu piniartut amerlassusaat	2.482	2.373	2.127	1.712	2.083	2.054^

\* 06.12.2011-mi naatsorsuinermi

Inussiarnersumik inuulluaqqusillunga

Ane Hansen